



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

De signaculo S. crucis. tit. 81

**urn:nbn:de:hbz:466:1-29452**

creatura ad commodum hominum, varia dona spiri-  
 tualia & corporalia, sicut sonant orationes & conse-  
 crationes, quæ fiunt super creaturas? sic consecratur  
 baptizandus verbo Dei, vt Diabolus exeat, & illum  
 ultra non impugnet. Lumina, ad incendendum in  
 nobis lumen fidei, & expugnandas tenebras & erro-  
 res sathanæ. Cineres, vt spiritu pœnitentiæ & con-  
 tritionis donemur. Palmæ, ad memoriam victoriæ  
 Christi, & quatenus victoriam obtineamus contra  
 sathanam & peccatum, &c. Sic etiam herbæ conse-  
 crantur, quatenus corporis & animæ sanitatem su-  
 mentes accipiant &c. Vide latius præcedentem pa-  
 ginam, vnde veniat vnctio Chrismatis. Summa, Deus  
 per varios modos vult distribuere gratiam suam, &  
 per multa media, &c.

DE SIGNACVLO SAN-  
*ctæ crucis.*

TITVLVS LXXXI.

**R**imò notādum, quòd ab initio Eccle-  
 siæ apud Christi fideles semper fuit in  
 vsu, omnia signare & facere signaculo  
 sanctæ crucis, non solùm in sacrificio  
 & sacramentis, sed etiam in omnibus  
 Christianorum actionibus: omnia sacerdotis myste-  
 ria & consecrationes, crucis figura perficiuntur, sed  
 iniquis: Ob quam causam? nūquid aliqua virtus in-  
 est tali signo crucis? Respond. Non ad ipsum signum,  
 sed ad eum qui pependit in ligno crucis, fides & de-  
 uotio semper respicit, qui & effectum tribuit, eò qd  
 patris obedientiam compleuit, Phil. 2.

Secundò, quoniam sancta fides nostra est, quòd  
 Christus vicit in cruce sathanam, peccatum & mor-  
 tem, sicut Apostolus ad Ephe. 2 dicit, per crucem in-  
 terficiens inimicitias, &c. Coloss. 1. Omnia pacificans  
 per sanguinem crucis eius. Subindè, quoniam sa-  
 thanas

Pp 5

thanas semel victus per Christum in cruce, timet & fugit signaculum crucis, ob id vbi cognouerit creaturam signatam signo crucis, ibi non accedit sic facilliter tentare illam, sicuti non signatam. Ideo homines se semper signant signo crucis in omnibus actionibus. Ad omnem aditum & exitum, vt inquit Tertul. de corona militum, ad omnia utensilia, cubilia, mensas, tabulas, & lectos &cet. credentes omnia futura auspicatoria, quæ crucis signaculo munita fuerent, sic iubentur omnes interfici apud Prophetam Ezechielem 9. cap. non signati signo Thau, & Apoc. 14. 144000. millia, qui habebant nomen patris scriptum in frontibus suis &c. Secundò, quòd omnia sacramentorum consecratio & administratio, nedum per verbum fit, sed etiã cum signaculo crucis, hoc fit vt sciamus, quia omnis virtus & efficacia est à virtute oblata in cruce, Esa. 53. Non elementa sacramentorum neq; signacula crucis efficiunt, & virtus sunt gratiæ, sed ducunt ad Christum, à quo omnis virtus. Hic est qui baptizat, Ioan. 1.

Tertiò, vsus signaculi S. crucis ad memoriam habitus est, scilicet passionis Iesu Christi, quòd non in cruce redemerit, vt gratias agamus. Sic nihil nouit scire Paulus, nisi Christum, & hunc crucifixum, 1. Cor. 2. Subindè, vt & cum Christo crucem portemus in tribulatione cum patientia, Galat. 6. Mihi autem absit gloriari, nisi in cruce Domini nostri Iesu Christi Marc. 8. Qui vult venire post me, tollat crucem suam & sequatur me.

Quartò, Sancti patres mysteria crucis multipliciter commendârunt. Augustinus, Irenæus, Chrysostomus, Tertullianus, &c. Altitudinẽ cœli credenti, profundam damnationẽ incredulo, quibus crux scandalum est, 1. Cor. 1. Dextrã, charitatem pximi: sinistram, fugam peccatorũ, Multa quoq; miracula facta sunt, sæpiùs expulsi demones sunt signaculo S. crucis &c.

Signa

Signantur ergo fideles in baptismo & alijs sacramentis cruce, vt cedat impugnare Sathan, quos cernit signaculo crucis signatos.

*AN A LAICIS ORDINATI*

*sacerdotes, conficiant verè sacramentum.*

TITVLVS LXXXII.

**R**imò Apostolus Paulus dicit 1. Tim. 4. quòd presbyterium est singulare donū, id est, potestas, quæ à Deo datur consecrandi & administrandi sacramēta: ob id nemo sibi honorem illum sumat, sed qui à Deo vocatur sicut Aaron. Nam & Christus se ipsum non glorificauit vt pontifex fieret, sed qui locutus est ad eum, id est, pater, Tu es filius meus & ceter. Psal. 2. & sicut me misit viuens pater & ceter.

Secundò, inquit Paulus, quòd hæc potestas datur à Deo per impositionem manuum presbyteri, non per impositionem manuum laicorum nec seniorum, quia senium nihil hic facit: ideò per manus presbyterorum, qui iam etiam consecrati sunt, vt medium Deus vult distribuere hanc potestatem, & non per manus laicorum. Sic dicit Augustin. contra Parmenianum lib. 2. cap. 13. quòd consecratio seu ordinatio sacerdotum est verum sacramentum, & imprimat characterem, id est, inextinguibile signum, sicut baptisimus, & ceter. Ex quo sequitur, iuxta omnium Catholicorum sententiam, quòd qui hoc donum non habet, non consecrat, etsi præsumat, qui æqualis fit Dathan, Chore & Abiron, Numer. 16. quorum thuribulum Deus non approbavit. Secundò, quòd laicus nō potest conferre, nec vulgus sacerdotem ordinare, quia potestas hæc non nisi per sacerdotis manus confertur à Deo, dicit quidam: Quomodò ordinabunt sacerdotem, qui ipsi non sunt sacerdotes? mortuus quomodò dabit vitam & ceter. Et licet hoc concedatur, quòd